


青浦縣志

序目



漢書門			
九	〇	九	二
一	〇	九	二
冊	架	函	號

內閣文庫			
九	〇	九	二
一	〇	九	二
冊	架	函	號

地理十号

內閣文庫			
番號	漢	9092	
冊數	14	(1)	
函號	292	35	

卷一

292-35



乾隆戊申鐫

大中丞
大制憲
大文宗

鑒定

青浦縣志

尊經閣藏版

重修青浦縣志序

淺草文庫

國有史邑有志家有譜三者並立志實兼之顧史紀疆域
挈要領而已志則討論沿革於徵信難譜載世系稱美善
而已志則研辨虛附於書實難非邑之賢士大夫精考覈
崇風義不克以成書苟成矣或陋且誣亦遞相糾摘終未
足示遠甚矣善志之難也青浦置縣自明嘉靖二十一年
割華亭西北二鄉始旋廢萬歷元年復置嗣又割華亭集
賢鄉上海新江鄉以實之

國朝雍正二年以地廣賦繁分置福泉縣乾隆八年仍併
為一此立縣之大凡也舊志創於王學使洪洲續於諸進

士乾一今且百餘年矣典制之增新人物之繼起著述之
留遺與夫耆宿之旁叅互訂久且散佚無統甄而錄之是
固有待乾隆四十六年今方伯述庵王公以

中禁儒臣擅制作手居憂里門躬任其事又擇同志十八
人分類纂輯例密義嚴因地以繫人因人以繫事勿猥勿
併有脊有倫凡舊志之舛者正之缺者補之越五年而書
始成洵乎稱善志焉余嘗以爲風教之興良有司訓迪之
尤賴邑之賢士大夫倡導之蓋邑有賢士大夫其文章政
績固已望隆朝野退而里居則言論風采服食禮節子弟
相與欽承人士相與矜式耳孺目染化于不知考之周禮

凡祭於學賓於射飲皆此志也暨乎後代聲名盛而標榜
興君子不取焉青浦游當明季政繁賦重民生瘁矣

聖朝重熙累洽我

皇上闔澤疊頒除濫去苛興利剔弊今歷其地屬閩櫛比
膏壤繡錯九峰三泖鍾毓秀靈人文蔚起闕閭相望至如
星機雲錡弋澤綸川粟帛之所委輸工賈之所輻輳殷然
若都會焉良有司旣富而教可不知所自歟方伯公之輯
是志也首列王西亭文獻私議以黜濫冒於正人心維世
教最爲深切一掃撰志家積弊田賦水利討核尤詳而惟
以崇節儉屏侈靡爲善風俗至計此書洵足爲家譜之標

準而備

國史採擇矣抑嘗論之民生當勤本業士習貴飭廉隅本業之不勤或至惰游縱誕廉隅之不飭甚且干義逾分誠令一邑中人人知勤本業飭廉隅於以保身家顯祖父祇承

聖治而登康樂和親安平之書尤所厚望者茲桐峯孫君爲濠梁名選拔遷職是邑加以修纂益復精詳余喜其書成授梓因綜大旨言之質諸方伯公以爲何如也

賜進士出身兵部侍郎兼都察院右副都御史巡撫江蘇等處地方提督軍務糧餉加三級歸安峙庭閔鸚元撰

重修青浦志後序

州縣之有志以備史也古來國史之作從數百年後敘數百年以上之人從數千里外紀其本境之事是以孤離而不合好學深思者往往有糾繆攷異之譏至於州縣志率數十年一修遺民故老及見前輩之流風餘韻不至傳聞失實又一州縣之境遠者數百里近者乃一二百里兒童婦女皆能道之其編葺之也尸以鄉人知人而論世當名而辨物得於耳目所及故作史者必考之志志而不詳且實文獻於何徵焉若夫志青浦之志有難言者縣設於萬歷元年舊屬華亭上海兩縣境前爲兩縣地後爲青浦地

人與事之屬於地者不可弗志也度其屬於地而人與事無可據者弗能志也元明以來士大夫間有紀載而未嘗分茅設蒞指爲某地又弗能採也採錄寡則幾於陋附會多則失於誣於是而欲犁然燦然成一縣之文獻以俟良史之採豈不尤難哉乾隆辛丑予居憂歸里適四川楊君卓知縣事以志之不修且百年矣與邑之人士奮然議葺之屬予總其事又擇同志十八人相與薈萃諸書網羅遺佚自正史而下稗官叢說逮於詩文諸集凡邑之典故著者錄之缺佚者疏通而證明之未及成而予有按察秦中之

命攜至官署續加考證迄乙巳冬日始錄成書嗟夫邑志之修翔於王學使洪洲續于諸進士乾一予無似豈足以繼其後然是志之成邑之人與事無不備也人與事之屬於邑者無不有徵也至民生之瘠薄婦子之勤苦有明以來賦稅徵徭之繁重尤必兢兢焉載之以時後之司牧者良史有作或者將徵信於此也夫乾隆丙午孟春賜進士出身陝西按察使邑人王昶書

重修青浦縣志序

乾隆五十年冬奉

命簡發來江次年極委提調書局
閱青志乃修自康熙之已酉年不
察謂特詔書勅文慰之邦何以百
餘載任其闕焉弗備也越歲丁未
承乏斯土甫入彊試多士於書院

青浦縣志

卷一



詢以邑系尋和對曰嘉志先修久
矣鄉大夫述庵王方伯纂葺五載
而未之梓也余又以梓曰是司土之責
也毅然肩厥任捐瘡侶之名紳士
亦踴躍從公不取旬貯千金乃以
公事招集庶民五十三年夏五
始得綜核全書一燈燹考古禮

今按所未定增所未詳以及魯魚
亥豕不憚煩而鉛槧焉四閱月書
成復覽之誥名宿而後授剞劂民
允卷四十類三十有二圖二十卷
城郭猶是人民已非真履所由
今昔同快載筆者傳信來若作
右與拘文其失也均告

國家同軌同文擴版圖者數千里
簡故昭垂遐邇通一轍矧由奉為雲
間名邑可無善事以紀厥實揚厥
休哉今者崑泐雲環邛城倚錯
居無何生當日繁戶口有增其人
文蔚起甲第滋盛矣滄桑互變
田賦造更矣推之兩賜名而大

有彰書風似同而仁里相望山
川學亦梵宇橋亭廢不更新
差足以供輜軒之採矣後之守
土者能究心於邑子隨時橋棟
相繼而筆之於書以成信史是
又余之所深望也夫

乾隆戊申秋知青浦縣事濠梁

孫鳳鳴書於三至堂



[Faint, illegible calligraphy in the background, possibly bleed-through from the reverse side of the page.]

青浦胡榮孝鑄

青浦縣志舊序

自禹貢記山川風物壤賦而志蓋權輿矣嗣是周職方漢地理唐宋州郡若邑靡弗有記言記事之文以辨疆域稽建設存鏡戒志可一日闕哉青浦為華上二邑析地其始而為縣也在嘉靖其既廢而復為縣也在萬歷縣之初復令為石侯岱宇先生相攸徙治築城浚隍設學造士制大備矣而志獨闕者束於時也繼石而至如彭如屠如羅如鄧非不蔚然稱循良而志尚闕者狃於故也暨卓侯榮釐先生以八閩大魁來蒞茲土博識雄才銳意興革首詢山川風物壤賦始末左右口噤莫能對動稱掌故漫漶無攷

證則無掌太息曰志可一日闕哉而志猶不果葺者百冗
勤勩未暇也迨視篆踰期案無留牘庭無滯獄四郊之內
政通人和於是始請修志於當路諸公祖而以筆札之役
屬不佞且爲加幣授餐焉不佞旣拜受而竊思之青浦者
九州之一撮青浦志者鄧林之一葉志惡可繁也然上下
數千百禩之人物政蹟之在境內若鉅若細無一可置猶
其在九州也志又惡可略也繁失之穢畧失之遺直舉胸
臆奚以信後則是所爲大懼也乃再請於侯曰蒐羅放失
期於必盡剔抉顯幽期于必真始稱爲志不則猶無志耳
於是徵文獻於庠序徵簿牒于六曹徵殘碑斷碣諸佚事

於鄉老隨至隨發不踰時而畢集不佞始得以殫智畢力
撫拾差次爲圖爲志爲表爲傳凡八卷三十二日再脫藁
而成帙遂以請正于陸宗伯先生幸成一邑完書雖不敢
自附于作者而紉衆腋以成裘鳩羣材以構厦往躅遺蹤
庶幾可藉以不泯我侯之嘉惠青邑也功不在千百禩哉
是役也提調總裁則榮麓先生實司之商榷資訂則學博
西山陳君文龍吳陵楊君廷芳其警校則文學諸君子而
削牘抽毫則不佞與有一日之勞云萬歷丁酉冬十一月
朔旦賜進士出身朝列大夫陝西布政司右叅議前雲南
道監察御史奉勅提督湖廣學政上海王圻撰

重修青浦縣志舊序

今夫一代之書必以史爲歸而一郡一縣之書則必以志爲本誠以生民之休戚時會之推遷皆於是乎鏡焉江南財賦甲天下而蘇松財賦又爲江南最頻年以來水旱相仍凋困之餘凡承

命而至者惟慮難於報績况松郡地濱海青邑又僻處一隅望皆斥鹵每當霜高水落時田間蘆葦如雪村墟岑寂比比皆是也余嘗巡行至其境未嘗不爲之喟然興嘆嗟乎人盡我民也忍使其流離載道若此乎爾有司方將理催科謀撫字解衣推食之不給更何暇取軼事而新之以

取信于當時後代乎乃閩中魏球來任茲土獨能于聽政之餘進邑之賢者而與商榷今古考求得失其人之大概亦已見一斑矣余攷青浦縣治創自萬歷初年嗣後二十一年而卓君鈿始葺邑乘條分縷析頗有足觀而其間山川之形勢分野之躔度壇壝倉廩關梁第宅之創修與夫兵防之所宜慎水利之所宜詳畜牧之所宜辨忠孝節義人物之大且重者莫不燦然可紀也由今溯之又七十有餘年棗梨淪棄而殘編斷簡幾難成帙將使利弊不可得而知賦役不可得而問戶口不可得而推風俗不可得而考是不但當事者之責抑亦省方問俗者之所深爲慨然不

置者已今青浦縣志綜理既成卽以序言爲請夫興廢葺
新余所樂聞近以闡務紛冗文成草創我
朝廷右文致治責儒臣以纂修之職購遺書考圖載則雖
一郡一縣之書或亦史閣之所問及而借觀焉者也康熙
八年巡撫江寧等處地方工部尚書都察院右副都御史
總理糧儲河中韓世琦撰

自先王畫井分疆後代相承或爲郡或爲縣沿革不同者
抑因時以制宜也故有昔爲瘠區而今爲沃壤者有昔爲
沃壤而今爲瘠區者有昔爲荒遠而治之不嫌畧今隸內
服而治之宜加詳者按三吳皆古揚州地其載之禹貢不

過曰三江旣入震澤底定而田則列之下下賦則列之下
上其治之也簡而約其取之也薄而輕當其時利盡南海
富甲天下若惟金三品羽毛齒革地產非不甚饒然聖人
終不敢恃山海之藏以爲已有而兢兢以田賦爲重紀土
性則曰塗泥紀貢道則曰沿于江海達於淮泗是未嘗以
沃壤視揚州而重恤此一方民意至深遠也又按周官職
方九州俱有山有川有澤而揚之山曰會稽川曰三江澤
曰具區是三者蓋統揚州數千里之地而言吳越閩廣悉
共此也今考惟會稽之山在越而三江之爲川具區之爲
澤合浙西諸郡之水及吳東西各郡之水悉注於太湖其

青浦縣志
流分衍爲三江以入海是川澤瀾漫之患吳當之爲最劇矣吳諸郡皆環江湖以居而松郡獨當其下流則松之被患爲尤劇矣今青浦之爲邑又居松郡之最下而當吳淞泖澱之合衝其被患視諸縣又爲尤劇矣夫松古未嘗立郡唐隸吳郡晉隸秀州元至正間雖立府而仍屬之嘉興路是松江之爲府尚無專設又何有青浦之爲縣耶若青浦地在秦爲由拳爲長水今陷爲谷旣荒忽莫稽惟是華亭西北境地至遼濶自割華亭爲上海其西境青龍大盈間又地多荒稅多逋明正德中郡守喻公議分設鎮治不果行後嘉靖中允巡按御史舒汀奏始割華亭西北二鄉

上海西三鄉立青浦縣於青龍鎮至萬歷元年郡人給諫蔡公汝賢始奏移治唐行鎮初建城池則在縣令石侯繼芳時請益以華亭集賢鄉上海新江鄉未盡地則在縣令屠侯隆時此青浦近代興創之由也一青浦地古制之何太畧今制之何太詳然畧者非真畧畧於治地正詳於治水若三江之入入則無不入矣震澤之定定則無不定矣水之患去而後其土爲民之土民爲吾之民則壤成賦經理可施此其治之似畧而實詳者固有然也今則治之似詳而實多畧三江之流久失其故道而泖澱之浸半屬沮洳上源苦泥滓之積而停蓄者不深下流苦潮沙之壅而

青浦縣志 三
輸洩者無路或議疏濬故渠或議挑掘淤塞或議修築隄堰卒以憚於勞費之煩而行之不果是以昔賢惓惓於立郡立縣者蓋有郡則有守有縣則有令凡此皆為親民之吏非但為催科計也將以恤吾民焉耳弗思立郡而以江名欲治郡莫重治江立縣而以浦名欲治縣莫重治浦合按青境內為港為塘為涇為浜支分派析何啻千百皆須人力以及之者也蓋均此水治之則為利不治則為害此昔之名賢或官於茲土或生於茲土耳有所聞目有所歷抒為碩畫載之簡編今尚犁然可考是其借箸而籌莫不以東南水利為急務者矧茲青邑以地之極卑而居江湖

之最下故思興其利而除其害倍亟於他邑乃今之捧檄而來者所重在催科其於利所宜興害所宜除雖典故猶存一切因循而不暇問民生其間苟延旦夕鹵莽而耕旱則憂赤土潦則虞望洋卽偶一逢年場稼未登而吏呼已及其門矣或積逋併徵或旁孔百出勢不能支欲民之不為逃土之不為荒也得乎夫為之民者旣惴惴有不終日之憂而為之吏者又以催科之拙考成莫副脫驂未幾引文法而繩者切切而議其後吏與民初未嘗深習而已相繼報罷矣如此而欲盡心于撫字又何可得也考雲間諸邑自東吳迄乎近代賢人君子輩出其間在朝則為名臣

在野則爲修士立功則垂偉烈立言則著鴻辭以及巖谷清流閨房秀質足光史冊者纍纍不絕皆九峯三泖之英所儲而鍾也庸今遂不古若哉夫民安鄉而後可以重家遂生而後可以興教安在瘠土之不可爲沃壤哉是在長人者加之意而已紘督輓於吳往來其土者八年於茲矣蓋灼信其有然而閩人魏君球來令青邑循良爲政民甚安之惜其爲治不終且將解組去尤亟亟集邑紳衿之賢者修葺舊志發凡起例井然有條志成而以序屬紘意良苦矣紘曩序郡志其於茲方疾苦已引其端今序茲志更暢其說抑以發明魏君未竟之志也康熙八年孟秋督理

蘇松常鎮糧儲分管漕務兼巡視漕河江南布政使司左叅政加六級楚南盧紘書於金閫舟次

國有史繼六經之源流也家有譜垂百世之本支也郡縣可無志乎予以芝水庸流年來有志四方向遊西粵爲邕州長山川人物之秀猶曰偏方僻壤無所矜著作之奇也今復鳧泛青谿名邦鉅地所見所聞斐然斌雅司一邑者紀一邑之事則縣之志可勿詳乎惟度德量力不敢居於作者之林而述往開來竊有志焉而未逮也下車伊始觀民設教旣地狹而人貧又土磽而賦重爲政者其難之獨其俗近醇謹民情可見君子讀書懷古小人慕義急公猶

見三代之遺焉考古斯以知今守先於焉待後予是以百務未舉而輒有纂修邑乘之役搜括曩編則創於我里卓先生爲宰之年以世經鼎革兵燹之餘散失無全爰爲多方採訪間獲遺帙一二集邑之名公士大夫攷較而論定之以觀天文則南斗牽牛下流淮海而邑居澤國上應天漢尤繞斗烝之輝此雲漢爲昭而忠孝節義羣英所以彙萃歟按其地利則枕江峙嶽曠野平疇九峯三泖之勝環列境中川岳所鍾地靈人傑宜其歌絃戶韻而珂戟家榮也青浦之興其在斯乎然而青浦夙未有縣名也禹貢爲揚州域春秋以後爲吳爲越爲楚變革靡常秦并浙而置

吳郡厥縣爲由拳爲長水寢陷爲谷事遠而難稽矣且其時松未立府唐隸吳郡晉隸秀州元立府而仍屬嘉興路是府制未定而易以有縣歷元而明世易法移乃有分設鎮治之議絕此補彼首華亭以次上海而青浦則割華上餘壤以及之初鎮青龍旣鎮唐行前後移治而縣治亦未定迨後復割華上餘壤之未盡者以益之城池以設疆界以分改鎮爲縣蓋自明萬歷之元年始也郡之守喻公存其意而未行郡之守蔡公繼之行而尚略惟縣之尹石公屠公先後相與有成而縣之制乃定則青浦之興也數君子與有力而石屠二尹之功居多焉嗣是而地漸廣人愈

殷親賢樂利於茲未越百年而生聚教訓何若斯其速也
哉擴其地可集民而居也得其民可聽官而治也官者民
之父母而民者官之赤子父慈子孝交感而成故昔之官
斯地者類多循良考成報最比肩而接踵焉相沿以暨於
今民未易地而生也官未別民而治也何以民慮蜚鴻官
憂傳舍古今人之風馬牛不相及耶豈昔之民易治而今
之民難治耶抑昔之官可爲而今之官不可爲耶夫寒暑
迭更榮枯遞變桑田滄海之平陂往復蓋亦理數之自然
而時勢之難盡者今之時爲何如乎謂民玩而不知法也
道利用嚴而今之人亦有或失之嚴者子則以治民猶治

繩殆欲以寬理之而不能謂民狎而不知恩歟道利用猛
而今之人亦有或失之猛者子則以保民如保子殆欲以
慈撫之而不能論政者曰寬以濟猛猛以濟寬昔之人有
行之者予豈能以鳴琴舞羽之風可重觀之今日乎予豈
能以坐石鞭蒲之化可遠倣於古人乎予豈能以讀法講
禮事賢友仁之治可復優優敷政臻斯世于神農虞夏之
隆乎心之所期而力莫副焉力之所至而時又違焉若是
者難治而官不可爲矧三宜之休與四遷之寵則時之進
退異也七年之平鄉與五日之京兆則時之久速殊也貝
錦之漸成與鐵船之可渡則時之常變不測而屈伸難推

也上之不能爲

朝廷効一得之司次之不能爲百姓永百里之障而乃以身自竭政拙徒窮撫字催科之究不能以並行也若是者治無功而官可以去此郡之當事所爲刻意吹求從而議其後也嗟乎時實爲之謂之何哉今而後負所學而負斯民予深有以自憾矣而曷以復當此林林蒸庶猶留連嘆息而若不忍負予者其亦俗近醇謹而有三代之遺也哉憶予入政以來碌碌二春秋矣利未盡興弊未盡除無所短長之數已見於此而乃以時將解組尤亟亟于縣志之修拾遺補闕終其事而告厥成焉不亦迂而不達于時者

之所爲乎或曰隱以求志退而著書此不得志于時者之所爲也而不知藏之名山傳諸其人則庶幾亦得志于時者之所爲也予所以亟亟然願與同志諸君子適觀厥成也康熙八年歲次己酉新秋七夕後三日知青浦縣事建安魏球題于水心亭中

憶郢志學時知立言之亦堪不朽也慨然有著述之意旣而身歷繁態靜繹根源則又悟且悔知守默之宜珍而崇華之滋累也我邑舊有王洪洲先生一志距今七十餘載聞中魏公玉鳴甫下車卽以續修爲任謬舉而屬之郢郢不敏前此曾辭廣州張公之請深懼隕越廢職以貽千秋

玷則益再四辭迨辭之不得而勉從事不過矢慎矢公任
怨任咎黃金莫可搖衆喙不知避以告無罪於天地鬼神
而已至於纂葺之政採之老成考之同志稟之賢父母質
之郡公祖暨各先達而已無與焉則依然悟與悔之初心
也未幾而公以直道難容此局遂置不講會邑大夫士以
未終剗劓爲恨勸公竣乃役向余索所創草則更再四辭
顧辭之復不得而檢以奉公則鼠蝕蟲侵存者僅十之二
三耳公於是刪多就簡使力足副願不兩月而工成凡損
益予奪悉惟公手裁而郢終無與焉公識高而才濶則不
能與嘆今卓立之難感古緘口之得則不敢與而合之於
悟且悔之初心不啻視筆墨若土苴則又深不欲與也公
問序於余因撫實以告天下後世焉邑人諸嗣郢

青浦修志銜名

督修

兵部侍郎兼都察院右副都御史巡撫江蘇等處地方提督軍務糧餉閔鶚元

吏部左侍郎提督江蘇學政謝墉

兵部左侍郎提督江蘇學政沈初

監修

蘇松常鎮太倉等處承宣布政使司布政使李封

蘇松常鎮太倉等處承宣布政使司布政使奇豐額

江蘇等處提刑按察使統轄全省驛傳事務覺羅長麟

江蘇等處提刑按察使統轄全省驛傳事務王士棻

分巡松江太倉兵備道兼管水利事務章攀桂
分巡松江太倉兵備道兼管水利事務張銘
主修

特授松江府知府楊壽楠

署松江府知府蘇州府海防同知汪廷昉

青浦縣知縣楊卓

青浦縣知縣康杰

青浦縣知縣黃映庚

纂定

青浦縣知縣孫鳳鳴

總修

陝西等處提刑按察使司按察使前都察院左副都御史大理寺卿軍功加四級王昶

采訂

青浦縣學教諭王希伊

青浦縣學訓導朱澍功

監梓

青浦縣典史吳鳴謙

分纂

原任安徽合肥縣知縣廖景文

原任福建閩縣知縣陸惇宗

青浦縣副貢 生蔡源

青浦縣貢 生邵玘

青浦縣貢 生沈江

青浦縣舉 人諸祖均

青浦縣舉 人潘疇克

青浦縣貢 生沈求立

候補府知事 陳韶

青浦縣貢 生顧岳

青浦縣學 生邱思燕

青浦縣監 生張夢鰲

青浦縣學 生陳洙

青浦縣學 生陸寶鏐

青浦縣學 生胡師謙

青浦縣學 生陳夢麟

青浦縣學 生蔡鳳瀛

青浦縣學 生蔡文洽

總技

吳江縣學 生史善長

總參

嘉定縣學 生朱綿生

督繕

鳳

陽

府

學

生張銓

校刊

鳳

陽

縣

學

生張鈞

董事

青

浦

縣

學

生夏傳詩

青浦縣志

凡例

一王西亭先生文獻私議云鄉賢之祀子孫仕宦素封皆濫舉其祖若父廁於其中若名德碩彥不獲舉者甚多在他郡邑雖或有冒濫未有若吾邑叢雜可恥之甚也五十年以來始自一二縉紳追崇其祖父嗣後富人咸營謀濫入纍纍若若似非此不足以申其孝思者遂至販夫賤品日不識丁之人皆攘袂而起摩肩而至為可痛也蓋祀於鄉者以名德文學政績節孝為重四者有其一二而後可以議舉若鄉里之善人不足以言德也風雲月露之文科舉抄撮之業

不足以言學也出仕而但知壟斷腴削持祿養交或鄙穢封殖以肥家者不足以言政也邂逅死於兵火運蹇終於沉淪修橋造廟隨例賑施不足以言節言義也今天下高官無仕任人之擇處良田廣宅任人之買占利藪名場任人之居奇而此冷淡之一席又必欲用勢用財以攘踞之鬻官清闕之地顧爲藏垢納汙之區乎吾邑鄉賢自晉迄明應祀典者惟衛涇之名德曹應符之節義顧英之政績張時泰之文學數人爾其他不過文章博雅之士自明以降毋論已如夏禮諸志入鄉賢張烈之政績張翰凌岳衛富益杜英

發章夢賢

今入鄉賢

章元澤

今入鄉賢

張元澄顧從禮

諸志入鄉賢

之節義莊肅朱應祥曹宗文之文學稽之郡縣學顧皆不得與焉與而非賢祇增其辱賢而不與不損其賢也又云青浦志書康熙初建安魏令球延諸乾一重修秉筆者及山夫葉岳心也王洪洲舊志甚簡質而信諸志去取亦頗慎書稿已成魏令解任索稿於退署中與二三不學之人竄易增加遂成穢史此二三人者任意私於其親厚事不核實言乖體例乾一大懊恨而不能止也魏本廉吏輕信眩聽爲人所賣比雕板又爲有力者收板於家刊落舊文竄入其祖

父之傳愈失其初此書遭此二厄而其稿可焚矣其
後又有私增私改大抵假公事嵌入祖父親戚之姓
名事實尤爲猥冗後之修志者欲因之斷不可欲大
正之又疑於刻且叢怨謗甚不易也存此說俟百年
之久有賢者因吾說而攷正刊削之庶乎其可也蓋
前賢之矜慎如此此次編葺悉以先生之言爲戒自
前志所載者歲久年湮是否已難區別至其後富人
巨賈槩置不錄如有賑荒歉修橋梁新廟宇者敘於
本條之下以還其實不敢徇私作傳以增猥雜之譏
一前代名賢或官青邑或曾寓於此作志者皆當引以

爲重今攷章棻之監鎮米芾之治事宋史本傳皆未
載入蓋史書所紀之地皆取其著有功績者其餘游
歷本可毋庸臚列然章氏之世家青龍子孫蕃衍米
芾之在青龍見於自書碑版均不可畧而不書若張
翰之居邑絕無證據而顧野王之亭林見爲華亭所
屬其非居本邑可知且重修一統志云顧野王祠墓
亦在松江而梁陳時松江爲崑山前京地野王本傳
仍稱吳郡吳人今仍其舊未敢移入云云是野王尚
未可指爲松人而可竟引爲邑人乎前志之收入者
因諸嗣郢建二陸張顧四賢祠於神山而九峯志載

之於二陸張顧繫以本傳自後修志卽據九峯志抄撮而未及深考耳又如顧愷之居本邑亦不見於他書陳府志僅以前志集賢鄉下有陸顧大姓居此之文因於愷之傳內增入此句卽引爲本邑人物亦失於附會然舊志已列不敢遽芟各繫按語以辨之至如楊維禎倪瓚稽諸史傳一稱徙居松江之上稱往來三泖今考光祿亭址在小蒸卽屬鐵厓所居而倪瓚寓於曹知白家其詩自稱兩經寒燠是皆應入邑志無疑餘如明之管訥徐石麒前志不載府志云訥華亭人而訥詩云我家住在澱湖東又云家有田

廬泖水東是其家在泖澱間必今邑境也明史於石麒傳稱嘉興人而石麒詩云誤玷朝章十五年而今始結一枝緣近牕綠洗佗山雨夾屋紅流歇浦泉則所居亦必在今邑境也又董俞送沈浩然歸山云逋客攜家住翠微鳳凰山上鷓鴣飛周綸贈董黃云九峰峰勢畫屏張東佗先生土室藏又董合集沈友聖郊居云沈郎家住青谿曲小屋濛濛烟水綠則知沈浩然董黃徐石麟皆居青境也又如徐文貞公祖居小蒸見於徐氏家譜之自序周篆之爲青邑人見於蘇州府志其張彥之居細林則見於周綸八峰稿李

青浦縣志
四
煥爲邑人則見於雲山酬倡李待問爲邑人則見於
江南省志類此諸賢各有依據始入志傳非漫爲引
重也

一前志云東南最重水利而脉絡貫通青浦實司其總
故條切言之又云本邑地瘠民貧賦繁役重民命所
關不厭詳書今悉仍其意備加紀載至小民暑雨祁
寒勤動終年所收不過石許而松江賦額明時最重
今雖承

列聖恩綸更番議減其額尚較他省爲贏今將漕政具載
於篇庶幾仁人君子惻然軫念

一前志縣境圖雖載山川塘浦尚嫌稍畧茲將鄉村市
鎮悉爲列入欲考其地之所在自可一目了然

一官名必遵

會典古人詩文皆然考舊志內如以生員爲文學爲博士
弟子以貢監爲上舍太學生國監生以舉人爲孝廉
以翰林諸官爲太史以御史爲侍御以巡道爲憲副
以巡撫爲中丞殊乖體制今一切書以今名俾無歧
誤至村巷地名俗稱不一志中查改畫一又如神山
辰山細林山稱名互異又青浦青谿及珠街鎮珠谿
朱家角鎮亦如之今除詩文之外餘悉照重修一統

志書寫以歸一是

一志山川以供游覽志水利以資疏濬不嫌重複前卓魏兩志皆然茲亦仿照修葺

一詩賦本無關於政治而前志所收更多猥雜今搜葺各家詩文集凡百有餘種摘其佳者錄之不特以供攷證并可以資吟咏舊志所有者酌刪十之五六至詩文已散見於山水寺觀等門藝文一門內止列前賢著述詩賦不應重出若夫當世文人更須他年論定卽有佳章未盡收入用俟將來

一凡詩文之應禁者前志雖載俱已刪除惟陳繼儒本

傳係載

欽定明史其詩詞係載

欽定咏物詩及羣芳譜者今仍錄載

一是志搜羅典籍引据頗爲繁博一條中多有雜採舊志以及各書者今不復一一註明以省繁複

一前志稱稽考搜閱係及君丹生葉君宏儒潘君岷潘君懿蔡君簡王君昌岷張君其翰各著所長相與有成今延訪諸君事實聲名翳如略無表見沒世而名不稱殊可感哉

一縣治立於萬歷元年至卓侯鈿修志僅二十年自卓




侯而至魏侯球再修凡七十餘年其自魏侯至今則計有一百十八年歷時最久且府縣兩志於鼎革間事皆未載入而府志未修亦已一百十餘年更有文獻無徵之憾今雖慎擇諸書旁搜曲證不遺餘力而見聞固陋終恐闕軼良多尚冀後來博雅君子增修續採

一青浦縣治建於明萬歷年間迄今不及二百年遺聞舊事絕無可見而今隸於青邑舊隸於華亭上海者其間人物事蹟不能分疆劃界既未能俱為引入而芟削亦無憑準考松江志書始於宋楊潛雲間志嗣

後顧清陳繼儒之府志繼之其書尚存今姑就諸志及本縣王圻諸嗣郢兩志叅以詩文各集與夫叢書稗說考其實係於青邑者詳悉增訂不敢遺亦不敢濫也

一舊志薦舉鄉飲封蔭雜途皆別為一門今以薦舉附科目鄉飲雜途附封蔭又孝子義士亦別於人物今擇其尤者一律入人物傳次者附之以省繁冗
一志中人物各傳皆以時代先後為次每代又以科第先後為次其無科第者據其年齒交游亦堪約畧凡所載詩文及古跡園亭冢墓藝文雜記之屬悉以此



例俾歸畫一古樞國事文辭之風亦以此
一列女所以表幽隱維風教所關最鉅故紀載不敢稍
畧茲按旌表年月依次列之未旌則按其守節年月
之可據者至於現存節婦本可以俟後來但恐閨幃
志行半出編氓或不能自垂久遠且異時載筆未知
又在何年不爲表彰慮多湮滅今按其守節在三十
年以上者亦類爲一卷仁人君子當有取焉故非自
亂其例

一藝文諸賢中有傳者十之五六凡有述作各先附著
本傳或所作繁多則第畧舉一二種不盡臚列蓋所
貴不盡在此也其餘雖無專傳而殘編斷墨能舉其
名卽亦誌之卷中庶幾文人心力不爲虛負

一冢墓類非青邑人故有傳者甚尠茲採各史及府志
本傳刪繁就簡繫之條下竊比知人論世之義至於
傳所已載而墓碑志容有詳畧互異者亦必著之以
資參考

一青邑與華亭上海分析歷年無幾貫籍居址每易蒙
混今所載科目或籍是而居非或居是而籍非皆登
之若通籍後始居青邑子孫因之占籍者於本人祇
爲立傳不列科目亦有先生於青邑而其後居籍已

無可徵及後爲邑人而其先居籍無可據者皆不敢
率爾闢入寧爲慎重覽者弗以疎漏見疑
一前志之作旣經俗手所亂乾一先生定本不復見廬
山真面矣志中舛繆凌雜多乖體裁其甚者如唐時
殷澄應入流寓而亦入人物陸居仁寓居璜谿今爲
金山縣地并非流寓而亦入人物張寔以華亭通籍
其居青境無可考者雖祀鄉賢大率始建縣時沿襲
之失而以入人物張弼實居於郡爲郡人惟別業及
葬處皆在鳳凰山可入流寓而亦入人物先賢蔡氏
號九峯蓋以潭陽名山有九峯耳非松郡之九峯也

而訛入流寓費案由嘉興遷上海史傳可據其葬鳳
凰山應入冢墓而亦入流寓張悅係天順四年進士
歷官兵部尚書明史本傳灼灼可據而冢墓云是洪
武十六年賜葬尤可噴飯也他若紀事實則彼此矛
盾紀支干則前後顛倒紀名勝或一地而兩存紀官
階或一官而互異於山水旣繫前人所作而復留其
命亦半以入藝文於寺觀已列諸景各條而復出其名以
當古蹟疵類不可毛舉茲皆逐處更正不與一一辯
駁特於此發之前書具在可以覆按非好爲譏彈也
一是志之修係乾隆四十六年冬縣令楊君卓創始余

方丁憂歸里因屬總持其事往余在京師凡御纂通鑑葺覽

大清一統志及金川方畧皆承

命充總修纂修官而茲志所載係鄉邦文獻不敢固辭乃同纂修諸君抄撮諸書至明年夏間草稿粗具又為

浙江當事請修西湖志湖志比成復蒙

恩命司臬秦中因攜草稿以行案牘餘閒屬吳江史文學

善長互為甄核反覆考訂始克成帙蓋計經始告成已

閱四寒暑矣然而未免魯魚惟待鉛槧者參正焉

一志書各門內惟水利田賦徭役端緒紛繁且關於民

生休戚者甚大陸明府宗惇旁搜遠紹獨任其勞條理

最為精密而張君夢鰲編纂公署學校城池亦皆詳審

不幸遽歸道山而顧岳江兩上舍亦先捐館未睹

成書要其苦心不可沒也

以上凡例諸條悉係述菴王方伯往年所撰余續加

纂葺與嘉定朱文學綿生細心參訂不敢稍亂其例授

梓垂成忽奉調繁而去猶幸九仞之未虧一簣也昔

乾隆五十三年十一月十二日孫鳳鳴并識

青浦縣志目錄

卷一

圖考

分野

疆域

沿革

城池

附坊巷

風俗

卷二

山


卷三

水

卷四

水利上

卷五



水利中

卷六

水利下

卷七

田賦上

卷八

田賦中

卷九

田賦下

卷十

徭役 鹽法

卷十一

荒政 物產 公署

卷十二

學校 兵防

卷十三

鄉保 附戶口 市鎮

卷十四

橋梁 壇廟

卷十五

寺觀上

卷十六

寺觀下

卷十七

古蹟

卷十八

第宅園林上

卷十九

第宅園林下

卷二十

冢墓

卷二十一

官師

卷二十二

科目
附例
貢監

卷二十三

封蔭
附鄉飲
事例

卷二十四

名宦

卷二十五

人物一

卷二十六

人物二

卷二十七

人物三

卷二十八

人物四

卷二十九

人物五

卷三十

人物六

卷三十一

藝術 流寓

卷三十二

列女上

卷三十三

列女中

卷三十四

列女下

卷三十五

釋道

卷三十六

藝文上

卷三十七

藝文下

卷三十八

祥異

卷三十九


雜記上

卷四十

雜記下

青浦縣志


森全圖




青浦縣境圖



州府嘉定縣界三十里





青浦縣學圖


青浦縣志

卷一

青浦縣志

卷一

五



教諭署

忠義祠

明倫堂

文昌閣

崇聖祠

訓導署

儒學

土地祠

孝子祠

節婦祠

學潭

鍾秀橋

萬仞宮牆

馬駙橋











蘭筍山圖



薛山圖



蕪山圖

青浦縣志

卷一



青浦縣志

卷一

三



壽安寺



橫雲山

機山





澱山圖

青浦縣志


卷一


一

青浦縣志

卷一

一







澱山湖圖

三才圖會

卷一

五



湖澱薛

塘石

三才圖會

卷一

五



張家路

三泖圖




青浦縣志

卷一

三

志之各圖也尚矣或八景或十
 景且言多至十二并十六者弄
 色舊志向來有八景之刻足覘
 大概矣狀鱸鄉素稱勝引非鱸
 舉未盡鉅觀爰擴為二十圖並
 付梨枣其繪是圖者鼎九十老
 人李巖也



青浦縣志 卷一

分野

九州封域分星以觀妖祥蓋本於保章氏鄭司農謂
 參為晉星商主大火歲則有周之分是也然據春秋
 文耀鉤文九州皆屬北斗究青徐揚并屬二州故七
 星主九州是又不以二十八宿十二次為分星矣孔
 仲達謂歲星或北或西不以國地所在第受封之日
 歲星在其國亦得為同次是又不以星所主之土為
 占驗矣故鄭君註其書久亡堪輿雖有郡國所入度
 已非古數况古之封城南不盡衡山西不盡流沙今

則幅員數倍於昔且疇人失傳而青邑又處一隅其能有當於元象乎然天人感應每界微渺發乎邇見乎遠亦參稽人事者所不可廢故仍其舊焉漢晉以來志天官者皆以辰之星紀宿之牛斗須女北斗之權天市之市樓上台之下星屬揚州吳越分域而松江已在其中今青浦析壤在松西北吳之東南越之正北則分星可類推矣第南斗牽牛星紀也直天漢下流亦當淮海間爲吳分青浦居澤國正中上應天漢末尾其得斗氣俱多故人文輩出實雲漢昭回之助云

疆域

真正本槽

疆域以定民也四封之內各識其鄉四封之外各專其守能使民無流亡產無蕩析是在賢有司加之意爾青浦面峙九峰背枕吳淞右襟三泖左連滬瀆川澤沃衍商賈輻輳司牧者由疆里而考其生計知其疾苦庶比戶可登長此富庶矣

東西廣九十五里南北袤七十里四境二百二十四里縣治至江寧總督治所八百里至蘇州府巡撫治所一百二十里至松江府五十五里至京師三千七百里東至七寶鎮上海縣界五十四里至上海縣九十里

西至澱山湖長洲縣界四十五里

南至鳳凰山東婁縣界二十里至婁縣五十五里

北至安亭港嘉定縣界三十五里至嘉定縣七十里

東南至泗涇婁縣界四十里

西北至石浦鎮崑山縣界三十六里至崑山縣九十里

東北至楊林寺嘉定縣界五十四里至上海縣界六十里

至嘉定南翔鎮七十二里

西南至金澤鎮吳江縣界四十五里至四十一保二區嘉

善縣界四十里至吳江縣九十里嘉善縣七十里

沿革

青浦故由拳地由拳淪為谷水而谷水即今泖湖湖

之屬於青邑者東北南三面皆是然則以由拳專屬

之青浦信矣明分置時屠隆以為窪下瘠瘠人非土

著澆詐居多茲則農服先疇膏腴日啟而科第蟬聯

人民樂利覘風者稱樂土焉

青浦在禹貢為揚州域周為吳地吳滅入越越滅入楚為

楚地秦始皇定荆置長水武原二縣按干寶搜神記周敬

王時置長水縣始皇

東巡望長水有天子氣令囚徒十萬人掘汚其地囚倦而

走更號曰倦蓋表以惡名後說為由拳然越絕書載吳築

備候塞自由拳則其名已在秦前非自始皇搜神記云恐

誤也又吳書載孫堅五年朱治從錢塘進攻吳太守許貢

拒之由拳又張昭封由拳侯黃龍三年山拳野稻自生改
為禾興是由拳至孫吳時其名猶如故也特在周秦間或
係地名而屬會稽郡漢名由拳漢書柴辟故就李鄉吳及

順帝永建四年分浙以東為會稽郡西為吳郡地歷吳晉

宋齊梁未有改者隨平陳始置蘇州唐天寶十年置華亭

縣按通典寰宇記地有華亭谷吳志建安二十四年孫權

或不滿萬戶以上為縣蓋吳郡太守趙居貞奏割崑山嘉

興海鹽三縣地成之僖宗時羣盜據華亭其後吳越王錢

珍遣顧全武拔之自此地入吳越晉天福五年吳越以嘉

興縣為秀州割華亭隸焉宋仍之宋史嘉興府本秀州軍

嘉禾慶元元年以孝宗所生之地升府嘉定元年升嘉興

八千六百七十六貢綾縣元至元十四年升華亭府尋改

松江府仍置華亭縣屬嘉興路二十七年以戶口繁多更

置上海縣明正德中因西境青龍大盈之間田多荒蕪稅

多逋額知府喻時議分設縣治不果行至嘉靖二十一年

從巡按御史舒汀奏割華亭西北二鄉立青浦縣治青龍

鎮未幾以科臣朱某議廢陳志徐階入相有稱不萬歷元

年兵科給事中蔡汝賢奏復之巡按都御史張是年知縣

石繼芳移治唐行鎮唐行鎮在五十保西控澱湖北帶吳

姓唐氏居此販鬻竹木遂成朔建城池六年知縣屠隆復

請割華亭集賢鄉上海新江鄉之未盡者以益之編戶二

青浦縣志 卷一
百四十六里

國朝雍正二年總督查納弼以額賦繁多一官難以治理
疏請分置福泉縣照澱山新涇兩司所轄之地分割爲界
西南隸澱山司者歸青浦舊縣東北屬新涇司者歸福泉
別設福泉縣署同城分治乾隆八年巡撫陳大受奉部文
令查屬縣是否可併於是裁去福泉仍歸青浦管理

城池

邑城初建青龍旋移唐行雖歷次增修而規模未備
自乾隆三十五年重新之後粉堞齊排丹樓再上映
帶遠峰蔚爲佳勝蓋自蘇州而往府城及上海者皆
先取道於此固非鉅麗不足以壯觀瞻也

青浦本唐行鎮舊稱橫谿以其岸橫通泖也有大姓唐氏
居此故名商賈駢闐舟航輻輳富庶聚焉萬歷元年移縣
治於此知縣石繼芳始至申請剏建城池周圍一千三十
丈以里計者六高二丈三尺箭垛一千七百二十五敵臺
七窩鋪四十八門樓六旱門五東曰鎮海南曰觀寧小西

日來蘇大西日永保北日拱辰水關四南日躍龍北日充
賦大西日通漕小西日聚星月城在南北大西三門餘未
建濠廣三丈深一丈周圍共八里

明萬歷三十五年知縣卓鈿增修城堞重建敵樓

崇禎年間知縣吳之琦署篆同知趙元會前後修城浚濠

本朝康熙五十三年知縣洪亮采精堪輿謂南水關寬敞

則水瀉不能聚氣因量為收小今仍其舊

雍正七年知縣楊鳳然修城一百七十九丈二尺

雍正九年知縣魯宏章修城八十丈

乾隆三十五年知縣褚啟宗同崑山縣知縣李景隆領帑

重建城垣悉遵前制又從城上鋪磚為馬路此舊時所未

有也城內外舊有九峯環翠三泖回瀾澗湖落照海門晴

眺學潭夜月孔宅尋梅生春待渡漕浦歸帆夾橋雙刹東

谿秋泛為十景 沈嘉則青谿卽事千家燈火出波紅澤國

柳枝風屠隆分符得水縣蕭瑟總堪憐處處張漁網家

家紡木棉波聲喧客夢山色借厨烟落日船回浦聞歌半

採蓮重和沈嘉則青谿卽事月照嚴城露滿天六街燈

燭散秋烟青谿窈窕無人處忽送清歌出水邊呂克孝

清谿道中有懷朱景和落日含山影輕寒織水紋風危鳥

相樹棹引白鷗羣村暝烟俱起谿迴徑欲分不堪離雁度

悽愴賦停雲周茂源青谿舟次曉日曛曛漾白沙寒汀

宿鷺起霜葭蓬窗手炙琉璃研揚得來禽又韭花田茂

遇舟次青谿得雨五月憂傷賦曠蕪雲雷幸已慰農師干

門社鼓聲初歇萬井篝車事可期歸燕迎風鳴下上征帆

帶雨影參差此邦長吏應相慶恰遇崇朝步禱時徐乾

學抵青浦竟日行吳淞林木乍蒼蔚桔槔人語喧款乃櫓

聲沸推篷客對談往復辭苦費日暝鳥亂啼矚矚日發長儗
 岸一水夾雙峯谿道中春日青谿棹山光紫翠重長橋垂遠
 欲問遺蹤俞南史雨泊青谿細雨連谿碧停舟對水潯
 岸花臨浪動村樹入烟深笑語侵漁父歌吟避渚禽蒼茫
 葭茨外何處認歸岑彭孫適青浦舟次揚舠擊汰曉相
 催百里青谿半日廻江浦秋深葦葉老汀洲水落蓼花開
 地通三泖潮爭上節近重陽雨易來莫向天南更迴首暮
 雲鄉樹不勝哀張錫懌青谿道中積雨迷春樹春寒薄
 暮侵如何鄉路近翻使客愁深野曠人烟寂風高雁影沉
 聊將花作伴相對一開襟朱彝尊青浦道中不識三高
 士松門第幾峯潮回黃歇浦草滿陸機茸細雨春歸雁深
 山日暮鐘坐看城郭近猶是水雲濃送陳武之青浦憶
 同九日登高讌益信陳琳最善文易水自來長送客詞人
 且免學從軍帆飛薛濤連鄉樹鶴下華亭劃海雲吾老思
 歸猶未得天涯歲月總離羣高詠宿青谿青谿獨宿處
 遠火出江波醒酒思殘夢歸漁問夜歌月斜人語定舟曉
 棹聲多九點烟霄外勞生只暫過邵璘青谿漁婦詞吳
 淞江口柳陰遮常泊扁舟算作家日網魚鮮入市賣換薪
 易米是生涯青谿城下秋水清青谿城上秋月明夫晉

唱歌儂把櫓猶如乘鶴入雲輕半幅蒲帆飛渚汀石湖
 淺映九峯青烟銷月落乘潮去隱約吳山見洞庭高不
 騫次青浦小縣何時立相傳萬歷初水雲三派動城郭百
 年餘晚市歸漁戶秋租雜蟹胥吾生釣游便那不此中居
 屠文漪頭客意不如僧意懶慣來沙觜覓輕舟學潭夜
 雲古渡頭人家隱暮烟一潭澄碧學宮前波心仙桂九相近
 月水閣頭玉鏡懸漕浦歸帆漕浦春流漲綠醅亂帆都
 且喜當頭玉鏡懸漕浦歸帆漕浦春流漲綠醅亂帆都
 帶夕陽回時平水郭門遲掩說與行舟只緩來澱湖落
 照森森湖光萬頃寬夕陽漁子晚收竿澱湖石上閒凝望
 一片鎔金欲畫難孔宅尋梅宅畔松杉日色寒尼山曾
 此葬衣冠好教遊客時瞻拜莫為梅花特地看夾橋雙
 刹雙刹巍峩映碧虛塵襟到此合消除赤欄橋上從君聽
 南北鐘聲禩梵魚趙俞舟行晚過青浦懸蓬秋氣入此
 夕客心驚露白浩無際蟲吟併一聲塔隨帆影走潮湧月
 輪行磔磔城烏起譙樓已二更姜遴青谿道中得葉廷
 玉書東風客路新吹入柳條春倚棹憐遊子題書見故人
 近來誰去住別後幾音塵海日江鴻外蒼然立水濱王
 丕烈青浦道中扁舟行不盡谿樹杳然深曉日嵐初變春
 江水半陰人家臨古澹驛路帶疎林揮手橫雲近迢迢諧
 青浦縣志 卷一 七 城池

夙心周士彬同唐欽文青谿晚眺城邊菊逕通飛閣谿
 畔楓林隱畫樓照水夕陽光泛泛背人秋雁影雙雙題詩
 憶上青龍塔把釣思過白鶴江暮倚西風愁結陣茆柴酒
 勁恐難降吳學炯泊青浦不向天涯路安知去住難鴉
 翻孤戍壘鷺立古橋灣秋浦聲方急空江夢未閒更深明
 月上猶照遠人還厲鷄過青浦縣草草衝寒路船聽西
 日餘潮痕上城古蟹穴入沙虛颺蕩青龍艦艱難黃耳書
 故人今夕見杯酒惜居諸傳琬青浦舟中客心江與折
 孤棹暮笳中烟草平原里琴樽小阮風山低吳會盡日落
 楚城空去去姑蘇近飄零愧轉蓬諸葛第青浦舟中望
 雲間諸山短篷開處見芙蓉雨灑長林墨氣濃知已漫論
 前路少好山偏在客途逢孤舟夜泊潮聲咽尊酒遙看樹
 影重對此烟雲思供養幾時身到畫圖中呂樾青谿放
 舟布帆風飽小舟行紅樹參差亂葉鳴新麥鋪塍千疊翠
 輕霜着水一江清寒烟竹裏茅簷靜衰柳谿邊野艇橫自
 笑天涯舊遊客白頭猶未乞餘生夢麟夜過青浦理棹
 投暮烟餘暉黯遙巘輕舸尋歸流空波肆怡衍野風送香
 氣浩露滴微泣重疊林景昏微茫峯色淺遠火辨孤城隔
 岸聞亂犬稍別林墟移漸靚雉堞轉華月澹始照流雲蔚
 初展一與清景俱乍喜塵悰遣悵懷前蹤餘風動深緬

沈大成青浦人聲喧曉市人耳喜鄉音遠水擘紋細晴
 山黛色深荒城綠岸轉古寺隔烟沉絕愛披綿雀晨餐慰
 客心重過青浦有懷王蘭泉舍人浮圖倒影卧蒼波斜
 日荒城客又過邑小人稀風色緊江寒天濶雁聲多披綿
 味好嘗黃雀埽黛山遙憶翠蛾東望澱湖雲杳眇故人病
 起近如何歸次青浦歸路茸城三十里尊前燈穗落銀
 缸鐘聲近出青龍寺水氣平沉白鶴江雨雪長途憐襪被
 親知軟語接船牕九峯明發晴如畫喜見雲林鳥一雙
 葉抱崧晚泊青浦歸雲戀春山晴流弄暝色層陰遞明滅
 回崖互欹仄芳林泛新綠高岑抱輕碧靈魄皓已盈清露
 澹方滴隨波趣轉深繫纜機暫息虛舟心不競空巖響俱
 寂結念抗霄漢安神翫水石蘊真契遐賞誰為同懷容
 沈岸登送嘉善陳雲銘之青浦踏莎行詞沙擁層水烟籠
 別浦夜深涼月蘆溝渡天涯九日記銜杯當筵落帽曾同
 賦看柳塘花暖應飛度邵崑青谿卽事望江南詞青谿
 好憶得是新年傳酒人家爭折簡宜春門戶盡垂簾簫鼓
 正喧闐青谿好月色近元宵壁角迎神燒甲馬鳳頭聯
 步踏仙橋鬧過幾昏朝青谿好小暖及春晴社鼓遠敲
 村裡寺紙鷲斜颺夜深燈天氣未清明青谿好時節正
 青浦縣志 卷一 七 城池

青澗縣志 卷一
端陽繭子細裁釵虎健麥莖斜織背符黃兒女競新粧
青谿好雨過晚涼移未麗花毬簪綠鬢芭蕉扇子縛紅絲
閒立後門時 青谿好正是早秋天佛閣蘭盆連日會虹
橋秋社半湖船明月照無邊 青谿好城市又中秋畫餅
街前懸月魄賣菱擔上剝鷄頭處處夜香幽 青谿好雅
事趁時新雙鈕磁盆藏蟋蟀鬪花小袋貯鸚鵡約伴又登
臨 青谿好簾幙護霜風額覆鳥綾飄鳳蠟臂籠宮錦抹
春葱針指夜燈紅 青谿好除夜巧安排字寫迎春粘繡
戶剪裁方勝印花
街爛醉過年杯

附坊巷

恩波坊在詠飛亭南

攀龍坊在龍王廟前

招鶴坊在白鶴渡東

便民坊在便民橋東

亨衢坊在通元觀西

中和坊在中亭橋和豐口

雲津坊在阜通橋北鎮學路口

先登坊在鎮學路

龍江福地坊在通元觀前

平理坊在鎮治西

通惠坊在鎮治東

嵩高坊在金獅橋東

熙春坊在酒務坊前

萬柳堤坊在嶽廟路

興賢坊在巡檢司前

皇華坊在關橋東張提舉宅路

上達坊在關橋西

連魁坊在板橋南爲曾兼修曾信立

振文坊在南亭橋北

仰高坊在高視橋北

同福坊在太傅廟前

阜民坊在南柵橋

迎僊坊在隆福寺近昇仙臺故名

仙臺坊在昇仙臺下一名仙壇

登雲坊在高視橋西

桂枝坊在關橋西

還珠坊在勝果寺前

太平坊在太平橋東

平康坊在中亭橋西

崇義坊在太平橋東義役庄在此

合浦坊在西柵橋西

福壽坊在福壽寺路

見山坊在西橋取道崑山澱山路

至喜坊在西江下

來遠坊在望亭橋北

安流坊在望亭橋南

按舊志載上三十六坊在青龍鎮宋淳祐十一年監

鎮官林鑑立今皆廢

寅賓坊在縣治東今廢

寶成坊在縣治西今廢

保障坊在縣治南今廢

清隱故里坊在縣治南卽孝子顧文敏宅曾孫從禮捐建

知縣石繼芳命立今廢

興賢坊在儒學左

育才坊在儒學右萬歷九年知縣屠隆建 國朝乾隆三

十年教諭趙天祕訓導費天修重建

狀元坊在儒學左為狀元張以誠立

解元坊在儒學右為解元呂克孝立萬歷三十二年知縣

韓原善改建今皆廢

鄉進士坊在縣治內為李萱立今廢

世桂坊在縣治內為李寬李萱立今廢

聯璧坊在泰來橋為沈祿沈舉兄弟立

登第坊在泰來橋為龔淵立

雙進士坊在廣富林為曹時中曹泰立

進士坊三一在塘橋爲富好禮立一在廣富林爲陳良珊立一在泗涇爲李儒立

鳴陽坊在橫沔浦爲諸宏濟立

登雲坊在七寶爲舉人張齡立

青雲坊在五十保爲舉人張南昇立

俊士坊在七寶爲舉人侯靖立

九峯道上坊在豐籜前今廢

雙桂里在富林曹時中兄弟所居

新街在縣治東


後街在縣治後

風俗

青邑以重農爲務商賈次之且距蘇揚較遠風氣稍淳然豪富之家輕俊之子弟已有華侈相尚者國奢示儉非賢宰與鄉先進弗克爲之裁抑也吉凶賓嘉著在禮經今雖不盡可行而講明切究之以刮俚俗之弊亦曷可少歟

澤國杭稻之鄉士奮於學民興於仁撫之則易馴擾之則不易治

前漢志云民食魚稻以漁爲業果蔬贏蛤食物常足故器竄偷生而亡積聚信巫鬼重淫祀吳郡志云君子尚禮庸



庶淳龐遵守耕織庠序聿興雖閭閻村僻莫不置句讀師以訓童穉青邑民風愿慤地局水鄉自耕織外生計鮮少俗尚儉嗇差勝他邑至四時節序與他邑略同

何元朗曰明初百姓十一在官十九在田家給人足樂於爲農自後賦增役重民命不堪遂皆遷業大抵一縣中無不役之家况比限日嚴奔走絡繹於道路誰復有種田之人哉

俗漸驕侈婚嫁宴會率尚虛禮又迎會演劇會首鳩財各村賽祭引誘招搖釀成姦竊甚至跳習拳勇聚爲賭博而財力愈耗矣

俗務紡織里嫗抱紗入市易木棉以歸來旦復抱紗出織者率日成一疋有通宵不寐者田家收穫輸官償租外未卒歲室已空其衣食艱難如此

上農多以牛耕無牛者以犁鋤灌田以水車前輩大夫士起自田里亦身自爲之婦女饁餉外耘穫車灌率與男子共事視他邑勞苦倍之

泖澱江浦之間民多以漁爲業取魚之術亦備

正月一日鷄初鳴起肅衣冠拜天地家廟尊長以次拜隣里親戚各投刺於門日賀歲禁掃除小兒擊金鼓爲樂立春前一日綵仗迎春於東郊茹春餅以生菜作春盤爲宴

會立春之候祭芒神鞭土牛數日內各鄉鎮社祠中禱卜以占一歲之豐歉水旱頗驗及暮女子邀厠姑問吉凶至十三日家人卽竈卜流年握秫穀投釜爆之花而妍者吉名卜流花俗名爆李婁元夕采竹柏結柵於通衢作燈市嬉遊達曙是夕燕飲以油餛珍珠圓爲節食每家祀竈爲接竈農家爭束芻徧燒田間謂照田蠶二月十二日花朝羣卉徧繫紅綵十九日禮大士寒食祀先是月童子放風鳶三月清明節折柳插簷拜掃先塋懸紙錢曰標墓是日奉城隍神詣壇至晚復以華燈迎歸七月十五日十月朔日皆如之上巳好事者載酒入山傲流觴曲水差有蘭亭遺意

四月八日浮屠浴佛釋典稱迎華光會十四日祀呂仙五月朔日貼門符五日午時縛艾人採藥物食角黍浮菖蒲雄黃酒小兒以雄黃抹額繫百索於肩云辟邪婦人製綵繪爲人形插於髻曰健人夏至祀先薦新麥十三日祀關帝黃梅後三日爲頭黓又五日爲中黓又七日爲末黓三黓中忌問疾及土木浣濯之事是月誦經啟醮謂之禳瘟六月六日滌器於河食餽飢云解疰夏疾十九日相傳觀音大士成道日民皆進香伏日曬書帖衣裘七月七夕陳瓜果作乞巧會中元祀先往僧舍設齋薦亡夜施水燈曰盂蘭盆若月晦值大盡日僧以紙造白蓮船鄉人或以錢

米絮楮少許寄紙船中焚之兒童積瓦甕塔燃燈或於長衢徧放地燈八月朔收露水磨墨點小兒額謂之天灸中秋食月餅二十四日割新稻曰開稻門以祀竈是月朔家祀先農醱錢爲會曰青苗社九月初造新酒名開青九日蒸菊糕春紅餠薦先對菊泛茱萸嘗新酒或載酒於峯泖間爲登高會十月朔日祀先十一月冬至祀先十二月朔日儺於市至二十四日止八日設豆腐雜置果屬名臘八粥二十四日夜祀竈曰送竈是日掃屋塵二十五日舉家食赤豆粥云辟瘟是月鑿米作歲計曰冬春除日前祀神除日祀先易茶壘桃符貼春聯簷間徧插柏葉冬青至暮封并畫灰於地象弓矢以辟邪擊鑼鼓燒糶盆爆竹擊炒豆相迎且餐且祈曰投奏投奏燒蒼术辟瘟丹聚飲有守歲不寐者五鼓更燭炷香陳果設醴祝家神叅祠堂飲屠蘇酒以次賀畢遂出賀一歲風俗之大畧也

按民間婚嫁無益之費最多而樂人喜媪又增立名色以耗其財行聘之前媒氏先開采帖將衣服環珥各若干商之女家有往返數次斷斷不能定者又取絨線纏果實以膠粘瓜子桐子爲花鳥走獸共成數十盒然卒以分饋親友供鬚鬣娛戲而已將婚女家行嫁自八厨十六箱至一厨兩箱不等均用鼓樂導

之男家迎娶亦導以鼓樂而家中飲御親隣至有數日不已者侈汰更爲無節禮記昏禮不賀又云昏禮無樂豈宜出此且祭祀率從苟簡而凶事又皆從俗輒多繁費入殮必以僧停柩必用道士皆令靈前祝告頌歎出殯及葬亦如之死後逢七日則富家建置道場七七日始畢餘則早間饋食而已至士大夫之家葬事一聽地師或因擇地不易或因費用浩大積至數十年不葬尤地方官所宜痛懲也

農人占氣候雨暘豐歉多有徵驗其書謂之田家五行亦參以衆說元旦清晨占風雲雲青爲蟲白爲兵赤爲旱黑

爲水黃爲豐年自元旦至十二日以瓶汲水日準其輕重以定月之水旱重爲水輕爲旱江湖間人以除夜汲江水稱之元旦又稱重則大水出田家五行并塵史等書元旦立春人民安

連三日天陰人民安蠶麥十倍連五日雨及元旦東北風

皆大熟人日晴人民寧月內虹十月穀貴雷弗安日食穀

賤盜疹多出雜占并趙子隨時錄用八日觀參星過月西則旱否則水

又以下元夕之晴陰諺云上八不見參星月半不見紅燈十五夜樹一尺五

寸之表於地至子正一刻時候月影以下歲中水旱據表之長而中分之影及七寸半者爲中正是歲雨暘以時五穀豐稔過則水不及則旱其分數亦如之極有準的出野風俗

錄 立春日樹八尺之表以候日影短則旱長則水出韓謬四時纂

要 二月八日祭祠山神以得西南風為稔歲出蘇志三月三

日聽蛙聲午前鳴者高田熟午後鳴者低田熟唐詩云田家無五行

水旱卜 清明日雨百果損十一日麥生日四月四日稻生

蛙聲 日皆喜晴十六日夜忌陰黑諺云此夜烏鹿禿西鄉村子

是日晴則水雨則繞田哭言有水也蘇志又云

旱惟陰雲為佳 芒種後為入梅梅後十五日為入黓迎

梅送梅多雨三月為迎五月為送言梅欲黃落蒸鬱而迎

黓送黓不然成雨也周處風土記夏至前雨名黃梅雨迎

後遇庚出梅雷電謂之斷梅如芒種後五日遇壬則梅高

五尺十二日遇壬則梅高十二尺度物之高下過此則不

蒸濕也梅雨既過必有大風連晝夜彌旬而止俗謂船舫

風梅裏西南風則三黓多雨中黓雷則雨更多謂之倒黃

梅五月旦為旱禾本命忌雨甲申乙酉日忌雨主大水諺云

甲申猶白可五月二十日為分龍前此大雨時行所及必

乙酉怕殺我偏自分龍後或及或不及若有命而分者每雷起雲簇雨

不移時謂之過雲雨雖二三里間亦異或濃雲中有物蜿


蜒屈伸謂之龍掛雨亦止其一方出避暑錄春夏甲申日雨主

米貴秋甲申日雨則稻禾吐芽亦主穀貴出道山紀聞立秋日

忌雷鳴諺云秋字鹿損萬斛立秋後虹見為天收雖大稔亦減分數

及白露日雨皆為荒歉之應八月二十四日為稻藁生日

雨則藁腐重九日晴則藁乾小雪日雪則穀賤又八月露
下而雨為淋露雨九月霜降而雲為護霜雲若十月朔晴
和則一冬少寒賈人以此卜綿之售否此一歲占候之大
槩也



文政癸未

